

HAURRENDAKO LITERATUR LEHIAKETA 2026

Iruñeko Udalak 2026ko HAURRENDAKO LITERATUR LEHIAKETArako deia egiten du, norgehiagokako araubidean, Iruñeko Udalaren Dirulaguntzei buruzko Ordenantza Orokorrak –2006ko 21. Nafarroako Aldizkari Ofizialean argitaratua, otsailaren 17koan– xedatzen duenarekin bat.

1.-XEDEA.-

2026ko HAURRENDAKO LITERATUR LEHIAKETA: lehiaketaren xedea da Iruñean erroldatuta dauden 6 eta 14 urte bitarteko haurrek edo haien ikastetxea Iruñean duten Lehen Hezkuntzako eta Bigarren Hezkuntzako lehen zikloko ikasleek egindako lanik onenak saritzea. Egileek lan bana aurkezten ahalko dute modalitate bakoitzeko, gai librekoak –euskaraz edo gaztelaniaz idatzita–, eta jatorrizkoak eta argitaratu gabeak izan beharko dute. Ikastetxe bereko ikasleek egindako talde-lanak aurkezten ahalko dira. Lan bera ezin izanen da bi hizkuntzetan aurkeztu. Aurkeztutako lanek ezin izanen dute ez bultzatu ez erreproduzitu jarrera diskriminatzaile, xenofobo edo sexistarik, ezta pertsonen duintasunaren eta giza eskubideen kontra doanik ere

2.- SARI-MODALITATEAK.-

Honako sari-modalitate hauek ezarri dira:
(Bai euskararako, bai gaztelaniarako)

IPUINEN MODALITATEA:

A KATEGORIA: Lehen Hezkuntzako lehen eta bigarren mailak.

B KATEGORIA: Lehen Hezkuntzako hirugarren eta laugarren mailak.

C KATEGORIA: Lehen Hezkuntzako bosgarren eta seigarren mailak.

D KATEGORIA: Derrigorrezko Bigarren Hezkuntzako lehen eta bigarren mailak.

KOMIKIEN MODALITATEA:

A KATEGORIA: Lehen Hezkuntzako bosgarren eta seigarren mailak.

B KATEGORIA: Derrigorrezko Bigarren Hezkuntzako lehen eta bigarren mailak.

3.- DIRU-ZUZKIDURA.-

Deialdi honi, gehienez ere, 8.400 euro esleituko zaizkio sarietarako, Udalaren Aurrekontuko honako partida honen kargura:

85/32630/480000

Gehieneko aurrekontu-kontsignazio horretatik, 4.200 euro euskarazko lanak saritzeko izanen dira, eta beste 4.200 euro, gaztelaniazko lanak saritzeko.

Sari hauek ezarri dira modalitate bakoitzerako, 2. klausulan adierazitakoaren arabera:

-Lehen saria: 200 euro eskola-materialetan, lan irabazlea aurkezten duen egilearendako, eta 250 euro eskola-materialetan, ikaslea zein ikastetxetan matrikulatuta egon eta horrendako.

- Bigarren saria: 150 euro eskola-materialetan, egilearendako.

- Hirugarren saria: 100 euro eskola-materialetan, egilearendako.

Lehen sariaren irabazleak Iruñetik kanpo dagoen ikastetxe batean ikasten badu, ikastetxeak ez du jasoko dagokion eskolako material-sorta.

Saritutako lana hainbat egilek egin badute, sarien zenbatekoa ez da aldatuko, hau da, taldeak emandako sariari dagokion zenbatekoko txartel bakarra jasoko du.

Eskolako material-sorta txartel baten bidez jasoko da, eta hori sariak zenbat jo eta horrenbestekoa izanen da. Txartel hori saridunak aukeratutako eskola-materialaren truke izanen da, txartelean bertan aipatzen diren dendetan. Txartela trukatzeko epea lau hilabetekoa da, hura noiz jaulkitzen den eta hortik aitzina. Txartela ez bada adierazitako epean erabiltzen, osorik edo hein batean, Iruñeko Udalak ulertuko du saridunak uko egin diola saria hartzeari edo trukatu gabe utzitako kopuruari.

Saria emanda, Iruñeko Udalak egilearengandik eskuratuko ditu, berarendako bakarrik eta mundu-mailan, saritutako lan bakoitzari dagozkion jabetza intelektualeko eskubide ekonomiko guztiak; orobat, lan horiek erreproduzitu, banatu, jendaurrean paratu eta eraldatzen ahalko ditu, libreki eta ezer gehiago ordaindu gabe, Jabetza Intelektualari buruzko Legearen Testu Bateginaren 26. artikulua ezarritako epearen barruan. Eskubidea izanen du, baita ere, lana gaur ezaguna den edo geroan asmatzen ahal den beste edozein bitarteko edo euskarri ukigarri edo ukiezinetan aurkezteko. Horrek barne hartzen ditu ustiatzeko modalitateak oro, hau da, lana edozein euskarri edo formatutan erreproduzitzekoa, lana banatzeko eta jendaurrean paratzeko eskubideen barruan, mundu osoko merkatuan ustiatzeari begira. Eskubide horien artean, berariaz daude sarturik hala lanak online igorri eta zabaltzea nola Internet erako sare digital elkarreragileetan eskura jartzea.

4.- HAUTAGAIEN BETEKIZUNAK.-

Lehiaketan parte hartzen ahalko dute bizitokia edo ikastetxea Iruñean duten 6 eta 14 urte bitarteko haurrek (Lehen Hezkuntzako eta Bigarren Hezkuntzako Lehen Zikloko ikasleek).

Iruñeko Udalaren Dirulaguntzei buruzko Ordenantza Orokorraren 10. artikuluan xedatutakoarekin bat, laguntza hauen izaera berezia dela-eta onuradunei aplikagarri zaizkie arau horretan ezarritako debekuak:

☐ BAI ☒ EZ

5.- ESKABIDEAREKIN BATERA AURKEZTU BEHAR DIREN AGIRIAK, tokia eta epea.-

LANAK INTERESDUNEK EDO IKASTETXEEK AURKEZTUKO DITUZTE, PAPEREAN

Parte hartzeko eskaera helbide honetara bideratuko da:

Hezkuntzako, Herritarren Partaidetzako eta Euskarako Alorra - Descalzos kalea 72, 31001 Iruña.

Hurrengo paragrafoan adierazitakoa gorabehera eta parte-hartzaile guztien anonimotasuna bermatze aldera, baztertzen da lanak Iruñeko Udalaren edo beste administrazio batzuen erregistro elektroniko bidez aurkezteko aukera.

Halaber, Administrazio Publikoen Administrazio Prozedura Erkideari buruzko urriaren 1eko 39/2015 Legearen 16.4 artikuluan adierazitako bideetako edozein erabiltzen ahalko da.

Lanak aurkezteko epea deialdi honen laburpena Nafarroako Aldizkari Ofizialean argitaratzen den unetik aurrera hasiko da, eta 2026ko apirilaren 24an amaitu.

Aurkeztu beharreko lanen luzera honako hau izanen da:

IPUINEN MODALITATEA:

A kategoria (Lehen Hezkuntzako 1. eta 2. mailak): 2 orri gehienez ere, alde bakar batez idatziak, ilustrazioak barne.

B kategoria (Lehen Hezkuntzako 3. eta 4. mailak): 3 orri gehienez ere, alde bakarrean idatziak, ilustrazioak barne.

C kategoria (Lehen Hezkuntzako 5. eta 6. mailak): 4 orri gehienez ere, alde bakarrean idatziak, ilustrazioak barne.

D kategoria (DBHko 1. eta 2. mailak): 6 orri gehienez ere, alde bakarrean idatziak, ilustrazioak barne.

KOMIKIEN MODALITATEA:

A kategoria (Lehen Hezkuntzako 5. eta 6. mailak): 3 orri gehienez ere (azala kanpo), alde bakarrean idatziak, DIN A-4 formatukoak edo horren pareko neurrikoak.

B kategoria (DBHko 1. eta 2. mailak): 4 orri gehienez ere (azala kanpo), alde bakarrean idatziak, DIN A-4 formatukoak edo horren pareko neurrikoak.

Gaia librea izanen da, eta lanek jatorrizkoak izan behar dute, ez-itzuliak, eta euskaraz edo gaztelaniaz idatziak. Lan bera ezin izanen da bi hizkuntzetan aurkeztu.

Lan bakoitza inolako identifikaziorik gabeko gutun-azal batean aurkeztu beharko da, honako hau idatzita:

IRUÑEKO UDALAREN HAURRENDAKO LITERATUR LEHIAKETA

HIZKUNTZA:

LANAREN MODALITATEA:

ZEIN KATEGORIATARA AURKEZTEN DEN:

LANAREN IZENBURUA:

EGILEAREN EDO TALDEAREN IKURRITZA EDO IZENORDEA:

Gutun-azalaren barnean, lanaz gain, beste gutun-azal bat sartuko da, itxita, egilearen ikurritzaz edo izenordeaz errotulaturik, non egilearen datu hauek sartuko baitira: izen-abizenak, helbidea, telefonoa, ikasmaila eta ikastetxea. Lana talde-lana bada, egilekide bakoitzaren datu pertsonalak agertuko dira (arestian aipatutako datuak).

Saririk jasotzen ez duten lanak Udalaren bulegoetan berreskuratzen ahalko dira, ebazpena argitaratu eta bi hilabeteko epean. Epe hori igarota, Udalak jaso ez diren lanak suntsitzen ahalko ditu, betiere ebazpenaren kontrako errekurtsorik aurkeztu ez bada.

6.- EPAIMAHAI A.-

Epaimahaia Iruñeko Udalak izendatuko du, eta honako hauek osatuko dute:

- Epaimahaiburua: Hezkuntzako, Herritarren Partaidetzako eta Euskarako Alorreko zinegotzi ordezkaria / Ordezkoa: Hezkuntzako zuzendaria.

Gaztelaniazko lanetarako:

- Epaimahaikideak: - Lehen Hezkuntzako Hizkuntza-irakasle bat, Hezkuntzako, Herritarren Partaidetzako eta Euskarako Alorreko zinegotzi ordezkariak izendatua.

- Bigarren Hezkuntzako Hizkuntza-irakasle bat, Hezkuntzako, Herritarren Partaidetzako eta Euskarako Alorreko zinegotzi ordezkariak izendatua.

- Haur-literaturan aditu bat, Hezkuntzako, Herritarren Partaidetzako eta Euskarako zinegotzi ordezkariak izendatua.

- Komikien edo adierazpen plastikoaren arloko espezialista bat, Hezkuntzako, Herritarren Partaidetzako eta Euskarako Alorreko zinegotzi ordezkariak izendatua.
- Kulturako, Jaietako eta Kiroleko Alorreko teknikari bat.

- Idazkaria: Administrari bat, Hezkuntzako, Herritarren Partaidetzako eta Euskarako Alorreko zinegotzi ordezkariak izendatua.

Euskarazko lanetarako:

Epaimahaikideak:

- Lehen Hezkuntzako Hizkuntza-irakasle bat, Hezkuntzako, Herritarren Partaidetzako eta Euskarako Alorreko zinegotzi ordezkariak izendatua.
- Bigarren Hezkuntzako Hizkuntza-irakasle bat, Hezkuntzako, Herritarren Partaidetzako eta Euskarako Alorreko zinegotzi ordezkariak izendatua.
- Haur-literaturan aditu bat, Hezkuntzako, Herritarren Partaidetzako eta Euskarako Alorreko zinegotzi ordezkariak izendatua.
- Komikien edo adierazpen plastikoaren arloko espezialista bat, Hezkuntzako, Herritarren Partaidetzako eta Euskarako Alorreko zinegotzi ordezkariak izendatua.
- Hezkuntzako, Herritarren Partaidetzako eta Euskarako Alorreko teknikari bat.

Idazkaria: Administrari bat, Hezkuntzako, Herritarren Partaidetzako eta Euskarako Alorreko zinegotzi ordezkariak izendatua.

Bi epaimahaiak irizpide bereberekin bat jardunen dira, eta horiek 9. apartatuan ezarritakoak izanen dira. Lehiaketara lan asko aurkeztu direlako beharrezkoa balitz, bi epaimahaietan kide bat edo gehiago erants daitezke, lanak arinago irakurri eta zuzentze aldera.

Epaimahaiak bere proposamena helaraziko dio organo eskudunari, hau da, Hezkuntzako, Herritarren Partaidetzako eta Euskarako zinegotzi ordezkariari, sariak ematearen gainean ebatz dezan. Modalitate guztietan, edozein sari eman gabe uzten ahalko da, baldin eta epaimahaiaren iritziz ezein lanek ez badu behar adina meriturik edo kalitaterik.

Epaimahaiak accesiten bat proposatzeko aukera: ☒ BAI ☐ EZ

Salbuespen gisa, kategoria bakoitzeko accesit bakarra ematen ahalko da, inolako diru-sari edo gauzazko saririk gabekoa.

7. DATU PERTSONALEN TRATAMENDUA.-

Iruñeko Udala da arduradun botere publikoez baliatuz dirulaguntza kudeatzeko eta saria emateko xedez erabiliko diren datu pertsonalez. Ez da daturik lagako legeak hala aginduta izan ezik. Eskubidea duzu datuetan sartzeko, datuak zuzentzeko –zuzenak ez badira– eta horiek ezabatzeko Erregistro Orokorrera (Kale Nagusia 2, 31001 Iruña) edo egoitza elektronikora joaz. Datuen tratamendu-zerrenda eta informazio osagarria www.pamplona.es/eu webgunean kontsultatzen ahal dituzu.

Sari-banaketaren irudiak Udalaren webgune korporatiboan eta sare sozialetan argitaratzen ahalko dira, eta hainbat komunikabidek zabaltzen ahalko dituzte.

8.- EBATZI ETA JAKINARAZTEKO EPEA.-

Ebatzi eta jakinarazteko epea sei hilabetekoa izanen da, gehienez ere. Epea deialdi honen laburpena Nafarroako Aldizkari Ofizialean argitaratu eta hortik aitzina hasiko da kontatzen.

Instrukzio-organoa dirulaguntza hau kudeatzen duen alorreko idazkaritza teknikoak izanen da.

Sariak emateko ebazpenak amaiera emanen dio administrazio-bideari, eta eskatzaileei jakinaraziko zaie, Administrazio Publikoen Administrazio Prozedura Erkideari buruzko urriaren 1eko 39/2015 Legean ezarritakoarekin bat.

Dirulaguntzak emateko ebazpena argitaratzea: ☒ BAI ☐ EZ

Baiezkoa bada, non argitaratu:

Iruñeko Udaleko Egoitza Elektronikoa.

9.- KONTUAN HARTU BEHARREKO BESTE BATZUK.-

Lehiaketaren epaia emateko aplikatuko diren irizpideak ikasleek ikasturte bakoitzean egiten dituzten ebaluazio-probetan baloratzen diren berberak dira, hau da:

- aurkezpena eta ortografia
- istorioaren koherentzia eta egitura; pertsonaiak nola sortu eta tratatzen diren.
- gramatika-zuzentasuna eta hiztegi aberatsa.
- originaltasuna eta sormena; egiantzekotasuna.
- beste zenbait alderdi (literaturazkoak eta literaturaz kanpokoak).
- komikien hizkuntzako beste zenbait baliabide.

Epaimahaia izanen da aurkeztutako lanen balorazioari dagokion edozein gorabehera edo erreklamazio ebazteko organo eskuduna.

Iruñeko Udalaren Berdintasuneko Ordenantzaren 34. artikuluan ezarritakoarekin bat, epaimahaia kontuan hartuko du aurkeztutako lanetan genero-ikuspegia txertatzea.

31/2022 Foru Legean ezarritakoaren arabera, bai Epaimahaia, bai jarduera eskola-ordutegian sartzen duten ikastetxeek, pertsona guztiendako irisgarritasun unibertsala eta diseinua sustatuko dute, desgaitasuna duten haurren benetako parte-hartze eraginkorra sustatze aldera.

Saritu gabeko lanak berreskuratzen ahalko dira Iruñeko Udaleko Hezkuntzako, Herriarren Partaidetzako eta Euskarako Alorrean (Descalzos kalea 72, 1.), ebazpena argitaratu eta bi hilabeteko epean.

10.- ERREKURTSOAK.-

Lehiaketan parte hartzeak berekin dakar beren lanekin parte hartzen dutenek oinarriak onestea eta horiei men egitea.

Lehiaketa hau garatzean eta oinarri hauen interpretazioaren inguruan sortzen ahal diren gatazkak organo emaileak ebartziko ditu.

Deialdi honen, oinarri hauen eta horiek betearazteko hartzen ahal diren administrazio-ebazpenen aurka errekurtso hauek paratzen ahalko dira, aukeran:

- Berraztertzeko errekurtsoa, administrazio-egintzaren egile den udal-organoari zuzendua, hilabeteko epean, errekurritzen den egintza jakinarazi edo, bestela, argitara eman eta biharamunetik aitzina.
- Gora jotzeko errekurtsoa, Nafarroako Administrazio Auzitegiari zuzendua, hilabeteko epean, errekurritzen den egintza jakinarazi edo argitaratu eta hortik aitzina.
- Administrazioarekiko auzi-errekurtsoa, Iruñeko Administrazioarekiko Auzien Epaitegiari zuzendua, bi hilabeteko epean. Epe hori errekurritzen den egintza jakinarazi edo argitaratu eta biharamunetik aitzina kontatuko da.